

«ՍԻՎԻԼԻԹԱՍ» ՀԻՄՆԱԴՐԱՄ

**2022Թ. ԴԵԿՏԵՄԲԵՐԻ 31-Ի ԴՐՈՒԹՅԱՄԲ
ԵՎ ԱՅԴ ԱՄՍԱԹՎԻՆ ԱՎԱՐՏՎԱԾ ՏԱՐՎԱ
ՖԻՆԱՆՍԱԿԱՆ ՀԱՇՎԵՏՎՈՒԹՅՈՒՆՆԵՐ
ԵՎ
ԱՆԿԱԽ ԱՌԻԴԻՏՈՐԱԿԱՆ ԵԶՐԱԿԱՑՈՒԹՅՈՒՆ**

Անկախ աուդիտորական եզրակացություն	3
Ֆինանսական հաշվետվություններ	
Ֆինանսական վիճակի մասին հաշվետվություն	6
Ֆինանսական արդյունքի մասին հաշվետվություն	7
Սեփական կապիտալում փոփոխությունների մասին հաշվետվություն	8
Դրամական հոսքերի մասին հաշվետվություն	9
Ֆինանսական հաշվետվություններին կից ծանոթագրություններ	10

ԱՆԿԱՆ ԱՌԻԴԻՏՈՐԱԿԱՆ ԵԶՐԱԿԱՑՈՒԹՅՈՒՆ

Ներկայացվում է «Սիվիլիթաս» հիմնադրամի հոգաբարձուների խորհրդին

Կարծիք

Մենք աուդիտի ենք ենթարկել «Սիվիլիթաս» հիմնադրամի (այսուհետ՝ Հիմնադրամ) կից ներկայացված ֆինանսական հաշվետվությունները, որոնք ներառում են ֆինանսական վիճակի մասին հաշվետվություն՝ առ 31-ը դեկտեմբերի 2022թ., այդ ամսաթվին ավարտված տարվա համար ֆինանսական արդյունքի մասին, սեփական կապիտալում փոփոխությունների մասին և դրամական հոսքերի մասին հաշվետվությունները, ինչպես նաև ֆինանսական հաշվետվություններին կից ծանոթագրությունները, ներառյալ՝ հաշվապահական հաշվառման քաղաքականության նշանակալի մասերի վերաբերյալ համառոտագիրը:

Մեր կարծիքով, կից ֆինանսական հաշվետվությունները բոլոր էական առումներով ճշմարիտ են ներկայացնում Հիմնադրամի ֆինանսական վիճակը 2022թ. դեկտեմբերի 31-ի դրությամբ, ինչպես նաև այդ ամսաթվին ավարտվող տարվա ֆինանսական արդյունքը և դրամական հոսքերը՝ համաձայն փոքր և միջին կազմակերպությունների ֆինանսական հաշվետվությունների միջազգային ստանդարտի (ՓՄԿ-ների ՖՀՄՍ):

Կարծիքի հիմք

Մենք աուդիտն իրականացրել ենք աուդիտի միջազգային ստանդարտներին (ԱՄՍ-ներ) համապատասխան: Այդ ստանդարտներից բխող մեր պատասխանատվությունը լրացուցիչ նկարագրված է այս եզրակացության «Աուդիտորի պատասխանատվությունը ֆինանսական հաշվետվությունների աուդիտի համար» բաժնում: Մենք անկախ ենք Հիմնադրամից՝ համաձայն Հաշվապահների էթիկայի միջազգային ստանդարտների խորհրդի կողմից հրապարակված Պրոֆեսիոնալ հաշվապահի էթիկայի կանոնագրքի (ՀԷՄՍԽ կանոնագիրք) և պահպանել ենք էթիկայի այլ պահանջները՝ համաձայն ՀՄԷՄԽ կանոնների: Համոզված ենք, որ ձեռք ենք բերել բավարար ու համապատասխան աուդիտորական ապացույցներ՝ մեր կարծիքն արտահայտելու համար:

Ղեկավարության և կառավարման օղակներում գտնվող անձանց պատասխանատվությունը ֆինանսական հաշվետվությունների համար

Հիմնադրամի ղեկավարությունը պատասխանատու է ՓՄԿ-ների ՖՀՄՍ-ի համաձայն ֆինանսական հաշվետվությունների պատրաստման և ճշմարիտ ներկայացման, և այնպիսի ներքին հսկողության համար, որն ըստ ղեկավարության, անհրաժեշտ է խարդախության կամ սխալի հետևանքով էական խեղաթյուրումներից զերծ ֆինանսական հաշվետվությունների պատրաստումը ապահովելու համար:

Ֆինանսական հաշվետվությունները պատրաստելիս՝ ղեկավարությունը պատասխանատու է Հիմնադրամի անընդհատ գործելու կարողության գնահատման համար՝ անհրաժեշտության դեպքում բացահայտելով անընդհատությանը վերաբերող հարցերը, ինչպես նաև հաշվապահական հաշվառման անընդհատության հիմունքը կիրառելու համար, եթե ղեկավարությունը չունի Հիմնադրամը լուծարելու կամ Հիմնադրամի գործունեությունը դադարեցնելու մտադրություն, կամ չունի այդպես չվարվելու որևէ իրատեսական այլընտրանք:

Կառավարման օղակներում գտնվող անձինք պատասխանատու են ֆինանսական հաշվետվողականության գործընթացի վերահսկման համար:

Աուդիտորի պատասխանատվությունը ֆինանսական հաշվետվությունների աուդիտի համար

Մեր նպատակն է ձեռք բերել ողջամիտ հավաստիացում առ այն, որ ֆինանսական հաշվետվությունները բոլոր էական առումներով զերծ են էական խեղաթյուրումներից, անկախ դրանց խարդախության կամ սխալի հետևանքով առաջացման հանգամանքից, և ներկայացնել մեր կարծիքը ներառող աուդիտորական եզրակացություն:

Ողջամիտ հավաստիացումը բարձր մակարդակի հավաստիացում է, բայց այն չի երաշխավորում, որ ԱՄՄ-ներին համապատասխան իրականացված աուդիտը միշտ կհայտնաբերի էական խեղաթյուրումը, երբ այն առկա է: Խեղաթյուրումները կարող են առաջանալ սխալի կամ խարդախության արդյունքում, և համարվում են էական, երբ խելամտորեն կարող է ակնկալվել, որ դրանք, առանձին կամ միասին վերցրած, կազդեն ֆինանսական հաշվետվություններն օգտագործողների՝ այդ ֆինանսական հաշվետվությունների հիման վրա կայացվող տնտեսական որոշումների վրա:

ԱՄՄ-ների համաձայն իրականացրած աուդիտի ողջ ընթացքում կիրառում ենք մասնագիտական դատողություն և պահպանում մասնագիտական կասկածամտություն: Ի լրումն՝

- հատկորոշում և գնահատում ենք խարդախության կամ սխալի հետևանքով ֆինանսական հաշվետվությունների էական խեղաթյուրման ռիսկերը, նախագծում և իրականացնում ենք աուդիտորական ընթացակարգեր՝ այդ ռիսկերին արձագանքելու նպատակով, և ձեռք ենք բերում աուդիտորական ապացույցներ, որոնք բավարար և համապատասխան հիմք են հանդիսանում մեր կարծիքի համար: Խարդախության հետևանքով առաջացած էական խեղաթյուրման չհայտնաբերման ռիսկն ավելի բարձր է, քան սխալի հետևանքով էական խեղաթյուրման չհայտնաբերման ռիսկը, քանի որ խարդախությունը կարող է ներառել հանցավոր համաձայնություն, զեղծարարություն, միտումնավոր բացթողումներ, սխալ ներկայացումներ կամ ներքին հսկողության համակարգի չարաշահում:
- ձեռք ենք բերում աուդիտին վերաբերող ներքին հսկողության մասին պատկերացում՝ տվյալ հանգամանքներին համապատասխան աուդիտորական ընթացակարգեր նախագծելու, և ոչ թե Հիմնադրամի ներքին հսկողության արդյունավետության վերաբերյալ կարծիք արտահայտելու համար:
- գնահատում ենք հաշվապահական հաշվառման կիրառված քաղաքականության տեղին լինելը, ինչպես նաև ղեկավարության կողմից կատարած հաշվապահական հաշվառման գնահատումների և կից բացահայտումների խելամտությունը:
- եզրահանգում ենք ղեկավարության կողմից հաշվապահական հաշվառման անընդհատության հիմունքի կիրառման տեղին լինելու վերաբերյալ, և հիմնվելով ձեռք բերված աուդիտորական ապացույցների վրա՝ գնահատում ենք՝ արդյոք առկա է էական անորոշություն դեպքերի կամ իրավիճակների վերաբերյալ, որոնք կարող են նշանակալի կասկած հարուցել Հիմնադրամի անընդհատ գործելու կարողության վրա: Եթե մենք եզրահանգում ենք, որ առկա է էական անորոշություն, ապա մեզանից պահանջվում է աուդիտորական եզրակացությունում ուշադրություն հրավիրել ֆինանսական հաշվետվությունների համապատասխան բացահայտումներին, կամ, եթե այդպիսի բացահայտումները բավարար չեն, ձևափոխել մեր կարծիքը: Մեր եզրահանգումները հիմնված են մինչև մեր եզրակացության ամսաթիվը ձեռք բերված աուդիտորական ապացույցների վրա: Սակայն, ապագա դեպքերը կամ իրավիճակները կարող են ստիպել Հիմնադրամին դադարեցնել անընդհատության հիմունքի կիրառումը:
- գնահատում ենք ֆինանսական հաշվետվությունների ընդհանուր ներկայացումը, կառուցվածքը և բովանդակությունը, ներառյալ՝ բացահայտումները, ինչպես նաև ֆինանսական հաշվետվությունների հիմքում ընկած գործարքների ու դեպքերի ճշմարիտ ներկայացումը:

Ղեկավարությանը, ի թիվս այլ հարցերի, հաղորդակցում ենք աուդիտի առաջադրանքի պլանավորված շրջանակի և ժամկետների, ինչպես նաև աուդիտի ընթացքում հայտնաբերված նշանակալի հարցերի, ներառյալ՝ ներքին հսկողությանը վերաբերող նշանակալի թերությունների մասին:



Թաթուլ Մովսիսյան

Գլխավոր տնօրեն/ Առաջադրանքի ղեկավար

23 հունիսի, 2023թ.,

ք.Երևան, Պ.Սևակի 8



‘000 դրամ

Ակտիվներ

	Ծանոթ.	31/12/22	31/12/21
Հիմնական միջոցներ	6	59,222	57,473
Ոչ նյութական ակտիվներ		2,092	2,392
Ընդամենը ոչ ընթացիկ ակտիվներ		61,314	59,865
Պաշարներ	7	15	288
Կանխավճարներ պաշարների և ծառայությունների համար	8	199	1,288
Առևտրական և այլ դեբիտորական պարտքեր	9	146,762	157,918
Այլ ընթացիկ հարկային ակտիվներ	16	11	-
Դրամական միջոցներ	10	2,720	14,717
Այլ ընթացիկ ակտիվներ		-	5
Ընթացիկ ակտիվներ		149,707	174,216
Ընդամենը ընթացիկ ակտիվներ		211,021	234,081

Սեփական կապիտալ և պարտավորություններ

Հիմնադիրների ներդրումներ	11	500	500
Կուտակված շահույթ	11	1,246	8,942
Ընդամենը սեփական կապիտալ		1,746	9,442
Փոխառություններ	12	35,318	11,918
Ակտիվներին վերաբերող շնորհներ	13	61,313	59,865
Ընդամենը ոչ ընթացիկ պարտավորություններ		96,631	71,783
Վարկեր	14	1,134	1,340
Փոխառություններ	12	360	15,616
Առևտրական և այլ կրեդիտորական պարտքեր	15	36,923	37,321
Կանխավճար ծառայությունների համար		364	1,395
Շահութահարկի գծով ընթացիկ հարկային պարտավորություն		1,591	635
Այլ ընթացիկ հարկային պարտավորություններ	16	6,173	9,190
Աշխատավարձի և այլ կարճ. հատուց-ի գծով պարտ-թյուններ	17	61,418	42,680
Եկամուտներին վերաբերող շնորհներ	18	4,545	44,548
Այլ պարտավորություն		136	131
Ընդամենը ընթացիկ պարտավորություններ		112,644	152,856
Ընդամենը սեփական կապիտալ և պարտավորություններ		211,021	234,081

Տնօրեն

Գլխավոր հաշվապահ

«Բի-Դի-Օ Ըբաուրթինգ, Թաքս ընդ Լիզլը» ՓԲԸ-ի
հաշվապահական ծառայությունների տնօրեն



Ա. Պողոսյան

Ն. Նուրոյան

10-23 էջերի ծանոթագրությունները կազմում են ֆինանսական հաշվետվությունների անբաժանելի մասը

'000 դրամ	Ծանոթ.	2022	2021
Հասույթ	19	55,242	53,688
Վաճառքի ինքնարժեք	19	(48,500)	(47,427)
Համախառն շահույթ		6,742	6,261
Դրամաշնորհներից եկամուտ	20	382,586	348,702
Շնորհների գծով ծրագրային ծախսեր	20	(331,704)	(296,708)
Շնորհներից արդյունք		50,882	51,994
Այլ եկամուտներ	21	91	372
Իրացման ծախսեր		(14,175)	(10,530)
Վարչական ծախսեր		(40,340)	(38,695)
Այլ ծախսեր	21	(5,090)	(2,498)
Գործառնական շահույթ (վնաս)		(1,890)	6,904
Ֆինանսական ծախսեր	22	(215)	(224)
Փոխարժեքային տարբերությունից օգուտ (վնաս)		(4,000)	(52)
Շահույթ (վնաս) մինչև հարկումը		(6,105)	6,628
Շահութահարկի գծով ծախս	23	(1,591)	(1,194)
Զույր շահույթ (վնաս)		(7,696)	5,434

Տնօրեն

Գլխավոր հաշվապահ
 «Բի-Դի-Օ Ըբաունթինգ, Թաքս Ընդ Լիզլը» ՓԲԸ-ի
 հաշվապահական ծառայությունների տնօրեն



Ա. Պողիկեան

Ն. Նուրոյան

«Սիվիլիթաս» հիմնադրամ
Սեփական կապիտալում փոփոխությունների մասին հաշվետվություն
2022թ. դեկտեմբերի 31-ին ավարտվող տարվա համար

‘000 դրամ

	Ծանոթ.	Հիմնադիրների ներդրումներ	Կուրակված շահույթ	Ընդամենը
Մնացորդը առ 31 դեկտեմբերի 2020թ.	11	500	3,508	4,008
Հուտ շահույթ		-	5,434	5,434
Մնացորդը առ 31 դեկտեմբերի 2021թ.		500	8,942	9,442
Հուտ շահույթ		-	(7,696)	(7,696)
Մնացորդը առ 31 դեկտեմբերի 2022թ.		500	1,246	1,746

Տնօրեն

Գլխավոր հաշվապահ
 «Բի-Դի-Օ Ըբաութինգ, Թաքս ընդ Լիգըլ» ՓԲԸ-ի
 հաշվապահական ծառայությունների տնօրեն



Ա. Պողիկեան

Ն. Նուրոյան

10-23 էջերի ծանոթագրությունները կազմում են ֆինանսական հաշվետվությունների անբաժանելի մասը

‘000 դրամ	2022	2021
Գործառնական գործունեությունից դրամական հոսքեր		
դրամաշնորհներից	356,557	327,508
վաճառքներից	52,385	59,860
այլ մուտքեր	46	4
նյութերի, ապրանքների, ծառայությունների ձեռք բերումից	(83,767)	(72,519)
աշխատակիցներին և նրանց անունից կատարված վճարումից	(277,812)	(242,285)
շահութահարկի վճարումից	(635)	(1,194)
այլ հարկեր, պարտադիր վճարների վճարումից	(5,769)	(19,214)
ծրագրային և այլ	(35,044)	(29,453)
Գործառնական գործունեությունից դրամական զույր հոսքեր	5,961-	22,707
Ներդրումային գործունեությունից դրամական հոսքեր		
հիմնական միջոցների և ոչ նյութական ակտիվների ձեռքբերումից	(21,579)	(17,618)
տրամադրված փոխառության մարումից	-	60
Ներդրումային գործունեությունից դրամական զույր հոսքեր	(21,579)	(17,558)
Ֆինանսական գործունեությունից դրամական հոսքեր		
վարկերի, փոխառությունների ստացումից	27,884	18,945
վարկերի, փոխառությունների մարումից	(17,213)	(9,406)
տոկոսների վճարումից	(206)	(224)
Ֆինանսական գործունեությունից դրամական զույր հոսքեր	10,465	9,315
Ընդամենը դրամական միջոցների զուտ հոսքեր	(5,153)	14,464
արտարժույթի փոխարժեքային տարբերություններ	(6,844)	(264)
Դրամական միջոցների մնացորդը առ 1 հունվարի	14,717	517
Դրամական միջոցների մնացորդը առ 31 դեկտեմբերի	2,720	14,717

Տնօրեն

Գլխավոր հաշվապահ
«Բի-Դի-Օ Ըբաունթինգ, Թաքս ընդ Լիզլը» ՓԲԸ-ի
հաշվապահական ծառայությունների տնօրեն



Ա. Պողիկեան

Ն. Նուրոյան

1. Ընդհանուր տեղեկություններ

1.1. Նկարագիր և գործունեություն

«Սիվիլիթաս» հիմնադրամը (այսուհետ նաև՝ Հիմնադրամ) ստեղծվել է 2008թ. մայիսի 20-ին: Հիմնադրամը իրավաբանական անձ հանդիսացող ոչ առևտրային կազմակերպություն է, որը ստեղծվել է և իր գործունեության ընթացքում ղեկավարվում է ՀՀ սահմանադրությանը, Քաղաքացիական օրենսգրքին, «Հիմնադրամների մասին» ՀՀ օրենքին, գործող այլ իրավական ակտերին և կանոնադրությանը համապատասխան:

Աշխատակիցների ցուցակային թվաքանակը առ 31.12.2022թ. 54 անձ է և առ 31.12.2021թ.՝ 44:

Հիմնադրամի իրավաբանական հասցեն է՝ ք.Երևան, Հյուսիսային պողոտա 1, գրասենյակ 30:

Հիմնադրամի գործունեության սկզբնական միջոցներն են հիմնադրի կողմից ստեղծման պահին Հիմնադրամին փոխանցված նյութական և ֆինանսական միջոցները՝ 500,000 (հինգ հարյուր հազար) ՀՀ դրամ:

Հիմնադրամի ֆինանսավորումն իրականացվում է դրամաշնորհների, նվիրատվությունների, նվիրաբերությունների, ինչպես նաև մեդիաարտադրությանը վերաբերող տարբեր քաղաքացիաիրավական պայմանագրերի ձևով:

Հիմնադրամն իրականացնում է տարբեր ծրագրեր՝ գյուղատնտեսության, կրթության, ժողովրդավարության, քաղաքացիական հասարակության, տնտեսության և այլ ոլորտներում:

Հիմնադրամի նպատակներն են՝

- Հայաստանի հասարակության՝ դեպի գործունակ և առողջ պետականություն փոխակերպելու գործընթացն առաջ մղելու նպատակով, ներգրավելով և օժանդակելով անհատներին, երաշխավորելով արժանապատվությունը, Հիմնադրամը՝ գործադրում է ներքին, արտաքին և Սփյուռքի միջոցներն ու հնարավորությունները՝ նորարարական մտահաղացումները խթանելու և նշանակալից փոփոխությունների վրա ներգործելու համար, համատեղ ջանքերը ուղղորդելու և միջոցներ տրամադրելու համար, արդեն իսկ ընթացքում գտնվող աշխատանքներն օժանդակելու և խթանելու միջոցով աջակցել Հայաստանի ընթացիկ և կայուն զարգացմանը:
- առաջնորդել նոր և լրացուցիչ ներքին նախաձեռնություններ, կենտրոնանալով կրթական կարիքների և մամուլի զարգացման վրա:
- աջակցել խաղաղության և կայունությանը Կովկասում, և մշակույթային, կրթական ու քաղաքական երկխոսությունից զատ, առաջնորդվելով վստահելի, թափանցիկ և օբյեկտիվ քննարկումներ վարելու սկզբունքով, նպաստել՝ միջազգային և տարածաշրջանային գործընթացներում Հայաստանի դերակատարության և հնարավորությունների ավելի լայն հասարակական ըմբռնմանը:
- համագործակցել Սփյուռքի անհատների և կազմակերպությունների հետ, արդյունավետորեն օգտագործելով հայերի կապերն ու ներուժը՝ ընդհանուր շահեր հետապնդելու համար:
- նպաստել քաղաքագիտության, մշակույթի, կրթության, տնտեսության, բնապահպանության, տնտեսագիտության, իրավագիտության և սոցիալական ոլորտի տեսական, գիտահետազոտական և գործնական աշխատանքներին՝ դրանց տեսական ու գործնական կիրառումն ապահովելու միջոցով:
- աջակցել գիտական, կրթական և (կամ) հասարակական կազմակերպություններին, մամուլին, ինչպես նաև այդ ոլորտներում ընդգրկված ֆիզիկական անձանց՝ բնագավառի գործող տեխնոլոգիաների, կառուցակարգերի և միջազգային զարգացումների վերաբերյալ գիտելիքների տարածման, ուսուցման և լուսաբանման աշխատանքներում (ներառյալ՝ համատեղ կամ միակողմանի դասընթացների, սեմինարների, կոնֆերանսների կազմակերպման, գիտահետազոտական աշխատանքների իրականացման, ուսումնական պլանների, ծրագրերի մշակման, ներդրման, փորձաքննության, ինչպես նաև նյութական, տեխնիկական օժանդակության ցուցաբերմամբ):
- միջազգային համագործակցությունը՝ քաղաքագիտական, մշակույթային, կրթական, բնապահպանական, տնտեսական, տնտեսագիտական, իրավագիտության և սոցիալական, ինչպես նաև դրանց հետ առնչվող արդիական թեմաներով՝ ժամանակակից ուսուցողական և գիտահետազոտական նյութերի հայթայթման, ստեղծման (պատրաստման), հրատարակչական ծրագրերի իրականացման, միջազգային, տարածաշրջանային կազմակերպություններին անդամակցության և համագործակցության այլ ձևաչափերի կիրառմամբ:

1.2. Կառուցվածք և կառավարում

Հիմնադրամի հիմնադիրն է ՀՀ քաղաքացի՝ Վարդան Օսկանյանը:

Հիմնադրամի կառավարման բարձրագույն և գործունեության նկատմամբ վերահսկողություն իրականացնող մարմինը Հիմնադրամի հոգաբարձուների խորհուրդն է, որի կազմն հետևյալն է՝

- Մ.Մինասյան (խորհրդի նախագահ),
- Հ.Կասպար,
- Վ.Օսկանյան
- Սալվի-Հարութիյան Ղազարյան:

Հիմնադրամի բարձրագույն գործադիր ղեկավար պաշտոնատար անձը տնօրենն է, ով նշանակվում է Հիմնադրամի հոգաբարձուների խորհրդի կողմից: Հիմնադրամի տնօրենը իրականացնում է ընթացիկ գործառնություններ և հոգաբարձուների խորհրդի կողմից սահմանված այլ լիազորություններ:

2. ՓՄԿ-ների ՖՀՄՍ-ին համապատասխանությունը

Ֆինանսական հաշվետվությունները պատրաստվել են Հաշվապահական հաշվառման միջազգային ստանդարտների խորհրդի կողմից հրապարակված Փոքր և միջին կազմակերպությունների ֆինանսական հաշվետվությունների միջազգային ստանդարտին (ՓՄԿ-ների ՖՀՄՍ) համապատասխան:

3. Ֆունկցիոնալ և ներկայացման արժույթները

ՀՀ արժույթը ՀՀ դրամն է, որը Հիմնադրամի ֆունկցիոնալ և ներկայացման արժույթն է:

Ֆինանսական տեղեկատվությունը ցույց է տրված հազար դրամներով՝ առանց ստորակետից հետո տասնորդական նիշի:

4. Հաշվապահական հաշվառման քաղաքականության նշանակալի մասերի համառոտ նկարագիրը

4.1. Չափման հիմունքները

Ֆինանսական հաշվետվությունները պատրաստվել են սկզբնական արժեքի հիմունքով: Սովորաբար սկզբնական արժեքը հիմնված է ակտիվի դիմաց տրված հատուցման իրական արժեքի վրա:

4.2. Ֆինանսական հաշվետվությունների կազմը

Ֆինանսական հաշվետվություններում ներառված են՝

ա) ֆինանսական վիճակի մասին հաշվետվություն՝ ժամանակաշրջանի վերջի դրությամբ: Ընթացիկ և ոչ ընթացիկ ակտիվներն ու պարտավորությունները ներկայացվում են առանձին դասակարգմամբ:

բ) ֆինանսական արդյունքի մասին մեկ հաշվետվություն՝ տվյալ ժամանակաշրջանի համար: Հիմնադրամը ներկայացնում է շահույթում կամ վնասում ճանաչված ծախսերի բաժանումը (վերլուծումը)՝ օգտագործելով դրանց գործառնության վրա հիմնված դասակարգումը:

գ) սեփական կապիտալում փոփոխությունների մասին հաշվետվություն՝ տվյալ ժամանակաշրջանի համար:

դ) դրամական հոսքերի մասին հաշվետվություն՝ տվյալ ժամանակաշրջանի համար: Գործառնական գործունեությունից առաջացող դրամական հոսքերի մասին տեղեկատվությունը ներկայացվում է՝ օգտագործելով ուղղակի մեթոդը: Վճարված տոկոսները դասակարգվում են որպես ֆինանսավորման, ստացված տոկոսներն ու շահաբաժինները՝ որպես ներդրումային գործունեությունից առաջացող դրամական հոսքեր: Վճարված հարկերը դասակարգվում են որպես գործառնական գործունեությունից առաջացող դրամական հոսքեր:

ե) ծանոթագրություններ, որոնք բաղկացած են հաշվապահական հաշվառման քաղաքականության նշանակալի մասերի համառոտ նկարագրից և այլ բացատրական տեղեկատվությունից:

Ֆինանսական հաշվետվություններում բացահայտվում է ընթացիկ ժամանակաշրջանի ֆինանսական հաշվետվություններում ներկայացված բոլոր գումարների՝ նախորդ ժամանակաշրջանի (նախորդ տարի) համադրելի տեղեկատվությունը: Երբ Հիմնադրամը իր ֆինանսական հաշվետվություններում փոփոխում է հոդվածների ներկայացումը կամ դասակարգումը, ապա վերադասակարգում է համադրելի գումարները, բացի այն դեպքերից, երբ վերադասակարգումն անիրագործելի է:

4.3. Հիմնական միջոցներ

Սկզբնական չափում

Սկզբնական ճանաչման պահին հիմնական միջոցները չափվում են սկզբնական արժեքով: Ձեռք բերված հիմնական միջոցների միավորի սկզբնական արժեքն ընդգրկում է նրա գնման գինը՝ հանած առևտրային զեղչերը, ներկրման տուրքերը, չփոխհատուցվող հարկերը և պարտադիր այլ վճարները, տրանսպորտային ծախսումները, ինչպես նաև ակտիվն իր նպատակային օգտագործման համար աշխատանքային վիճակի բերելու հետ անմիջականորեն կապված ծախսումները:

Հետագա ծախսումներ

Հիմնական միջոցի միավորի վրա նոր բաղկացուցիչի ավելացման կամ հիմնական միջոցի միավորի բաղկացուցիչի փոխարինման ծախսումները ավելացվում են հիմնական միջոցի միավորի հաշվեկշռային արժեքին (կապիտալացվում են), եթե ակնկալվում է, որ դրա հետ կապված ապագա տնտեսական օգուտները կհոսեն դեպի Հիմնադրամ, և դրա արժեքը կարող է արժանահավատորեն չափվել: Հիմնական միջոցների փոխարինվող բաղկացուցիչները ենթակա են ապաճանաչման:

Հետագա չափումը

Սկզբնական ճանաչումից հետո հիմնական միջոցները հաշվառվում են սկզբնական արժեքով՝ հանած կուտակված մաշվածությունը և արժեզրկումից կորուստները:

Մաշվածություն

Հիմնական միջոցի մաշվածության գումարն իր օգտակար ծառայության ընթացքում պարբերաբար բաշխվում է՝ կիրառելով մաշվածության հաշվարկման գծային մեթոդը: Յուրաքանչյուր ժամանակահատվածի համար հաշվարկված մաշվածության գումարը ճանաչվում է որպես ծախս, եթե այն չի ներառվում մեկ ուրիշ ակտիվի հաշվեկշռային արժեքի մեջ:

Օգտակար ծառայության ժամկետները. մեքենաներ և սարքավորումներ՝ 4-8 տարի, տրանսպորտային միջոցներ՝ 5-8 տարի, արտադրական, տնտեսական գույք՝ 5-8 տարի, հաշվողական և համակարգչային տեխնիկա՝ 1-5 տարի, այլ հիմնական միջոցներ 8 տարի:

4.4. Ոչ նյութական ակտիվներ

Ոչ նյութական ակտիվը սկզբնապես չափվում է սկզբնական արժեքով (ինքնարժեքով):

Սկզբնական ճանաչումից հետո ոչ նյութական ակտիվը հաշվառվում է իր սկզբնական արժեքով (հաշվի առած հետագա ավելացվող ծախսումները)՝ հանած ցանկացած կուտակված ամորտիզացիա և ցանկացած կուտակված արժեզրկումից կորուստ:

Օգտակար ծառայության ժամկետները. համակարգչային ծրագրեր՝ 5 տարի, այլ ոչ նյութական ակտիվներ՝ 10 տարի:

Ամորտիզացիայի հաշվարկման կիրառվող մեթոդը պետք է արտացոլի այն մոդելը, որով կազմակերպությունը սպառում է ակտիվի տնտեսական օգուտները: Հիմնադրամը կիրառում է գծային մեթոդը:

4.5. Պաշարներ

Պաշարները ներկայացված են ինքնարժեքի և հնարավոր իրացման զուտ արժեքի նվազագույնով: Պաշարների ինքնարժեքը ներառում է պաշարների ձեռքբերման ծախսումները և դրանց ներկա գտնվելու վայր և վիճակի բերելու հետ կապված այլ ծախսումներ:

4.6. Աշխատակիցների հատուցումներ

Երբ աշխատակիցը հաշվետու ժամանակաշրջանի ընթացքում Հիմնադրամին մատուցել է ծառայություն, Հիմնադրամը աշխատակիցների կարճաժամկետ հատուցումների չզեղչված գումարը, որոնք ակնկալվում է վճարել այդ ծառայության դիմաց, ճանաչում է՝

ա) որպես պարտավորություն՝ արդեն վճարված գումարները հանելուց հետո: Եթե արդեն վճարված գումարը գերազանցում է հատուցումների չզեղչված գումարը, Հիմնադրամը պետք է ճանաչի այդ տարբերությունը որպես ակտիվ՝ այն չափով, որով կանխավճարը կհանգեցնի, օրինակ, ապագա վճարումների կրճատման կամ դրամական միջոցների վերադարձի, և

բ) որպես ծախս, բացառությամբ այն դեպքերի, երբ Հայաստանի Հանրապետության հաշվապահական հաշվառման ստանդարտով պահանջվում կամ թույլատրվում է հատուցումների գումարը ներառել մեկ այլ ակտիվի արժեքի մեջ:

Հիմնադրամը փոխհատուցելի բացակայությունների ձևով աշխատակիցների հատուցումների ակնկալվող ծախսումները ճանաչում է՝

ա) կուտակվող փոխհատուցելի բացակայությունների դեպքում (օրինակ՝ տարեկան արձակուրդը)՝ այն ժամանակ, երբ աշխատակիցները ծառայություն են մատուցում, որն ավելացնում է իրենց իրավունքները ապագա փոխհատուցելի բացակայությունների նկատմամբ, և

բ) չկուտակվող փոխհատուցելի բացակայությունների դեպքում (օրինակ՝ ժամանակավոր անաշխատունակությունը)՝ այն ժամանակ, երբ բացակայությունը տեղի է ունենում:

Հիմնադրամը կուտակվող փոխհատուցելի բացակայությունների գծով ակնկալվող ծախսումները չափում է որպես լրացուցիչ գումար, որը Հիմնադրամը ակնկալում է վճարել որպես հաշվապահական հաշվեկշռի ամսաթվի դրությամբ կուտակված չօգտագործված իրավունքների արդյունք:

4.7. Հասույթներ

Հասույթը չափվում է ստացված կամ ստացվելիք հատուցման իրական արժեքով:

Երբ ծառայությունների մատուցման գործարքի արդյունքը հնարավոր է արժանահավատորեն գնահատել, գործարքից հասույթը ճանաչվում է ֆինանսական հաշվետվության ամսաթվի դրությամբ գործարքի ավարտման աստիճանի հիման վրա: Գործարքի արդյունքը կարելի է արժանահավատորեն գնահատել, եթե բավարարվեն հետևյալ բոլոր պայմանները՝

ա) հնարավոր է արժանահավատորեն չափել հասույթի գումարը:

բ) հավանական է, որ գործարքի հետ կապված տնտեսական օգուտները կհոսեն կազմակերպություն.

գ) հնարավոր է արժանահավատորեն որոշել հաշվապահական հաշվեկշռի ամսաթվի դրությամբ գործարքի ավարտման աստիճանը, և՝

դ) հնարավոր է արժանահավատորեն որոշել գործարքի կատարման ժամանակ արված և գործարքն ավարտելու համար անհրաժեշտ ծախսումները:

Գործարքի ավարտվածության աստիճանը որոշվում է ներքոթվարկյալ մեթոդներից որևէ մեկով (Հիմնադրամը կիրառում է այն մեթոդը, որով հնարավոր է առավել արժանահավատորեն չափել մատուցված ծառայությունները)՝

ա) կատարված աշխատանքների ուսումնասիրություն.

բ) տվյալ ամսաթվի դրությամբ մատուցված ծառայությունների ծավալի և մատուցվելիք ծառայությունների ամբողջ ծավալի հարաբերակցություն, կամ՝

գ) տվյալ ամսաթվի դրությամբ կատարված ծախսումների և գործարքի գնահատված ընդհանուր ծախսումների ծավալի հարաբերակցությունը:

Երբ ծառայությունների մատուցման գործարքի արդյունքը հնարավոր չէ արժանահավատորեն գնահատել, հասույթը ճանաչվում է միայն ճանաչված այն ծախսերի չափով, որոնք կփոխհատուցվեն:

4.8. Շնորհներ

Ճանաչում

- շնորհը, որը ստացողի համար չի սահմանում որոշակի ապագա պայմանների կատարում, ճանաչվում է եկամտում, երբ շնորհի գծով մուտքերը ստացման ենթակա են.
- շնորհը, որը ստացողի համար սահմանում է որոշակի պայմանների կատարում, ճանաչվում է եկամտում միայն, երբ պայմանների կատարումը բավարարվում է.
- ստացված շնորհները, նախքան հասույթի ճանաչման չափանիշները բավարարելը, ճանաչվում են որպես պարտավորություն:

Չափում

Շնորհները չափվում են ստացված կամ ստացվելիք ակտիվի իրական արժեքով:

4.9. Արտարժույթի փոխանակման փոխարժեքի փոփոխությունների հետևանքները

Արտարժույթով իրականացված գործարքները փոխարկվում են 'Դրամի' գործարքի օրվա դրությամբ սահմանված փոխարժեքով: Որպես փոխարժեք ընդունվում է Հայաստանի Հանրապետության Կենտրոնական բանկի կողմից հրապարակված տվյալ օրվա միջին փոխարժեքը: Հաշվետու ամսաթվի դրությամբ.

ա) արտարժույթով դրամային հոդվածները ներկայացվում են (վերահաշվարկվում են)՝ կիրառելով փական (հաշվետու ամսաթվի) փոխարժեքը,

բ) արտարժույթով սահմանված ոչ դրամային հոդվածները, որոնք հաշվառվում են սկզբնական արժեքով, ներկայացվում են գործարքի օրվա փոխարժեքով:

Արտարժույթի փոխարժեքային տարբերություններից օգուտը կամ վնասը, որոնք առաջանում են արտարժույթով գործարքների մարման կամ հաշվետու ամսաթվի դրությամբ սահմանված փոխարժեքով դրամային հոդվածների վերագնահատման արդյունքում, ճանաչվում են ֆինանսական արդյունքներում:

31.12.2022թ. դրությամբ մեկ եվրոյի փոխարժեքը կազմել է 420.06 դրամ (31.12.2021թ – 542.61 դրամ)。

4.10. Սխալներ

Հիմնադրամը ուղղում է նախորդող ժամանակաշրջանի էական սխալները հետընթաց՝ դրանց հայտնաբերումից հետո հրապարակման համար հաստատված առաջին ֆինանսական հաշվետվությունների փաթեթում՝

ա) վերահաշվարկելով ներկայացված այն նախորդող ժամանակաշրջանի (ժամանակաշրջանների) համեմատելի գումարները, որոնցում տեղի է ունեցել սխալ, կամ

բ) եթե սխալ տեղի է ունեցել նախքան մինչև ներկայացված ամենավաղ ժամանակաշրջանը, ապա ակտիվների, պարտավորությունների և սեփական կապիտալի սկզբնական մնացորդները վերահաշվարկելով ներկայացված նախորդող ամենավաղ ժամանակաշրջանի համար:

Հետընթաց վերահաշվարկման սահմանափակումներ

Նախորդող ժամանակաշրջանի սխալը պետք է ուղղվի հետընթաց վերահաշվարկմամբ, բացառությամբ երբ անհրաժեշտ է կոնկրետ ժամանակաշրջանի վրա սխալի հետևանքների կամ դրա կուտակային հետևանքների որոշումը:

Եթե անհրաժեշտ է որոշել մեկ կամ ավելի նախորդող ժամանակաշրջաններ ներառող հաշվետվություններում ներկայացված համադրելի տեղեկատվության վրա կոնկրետ ժամանակաշրջանին վերաբերող սխալի հետևանքները, ապա Հիմնադրամը վերահաշվարկում է այն ամենավաղ ժամանակաշրջանի (որը կարող է լինել ընթացիկ ժամանակաշրջանը) ակտիվների, պարտավորությունների և սեփական կապիտալի սկզբնական մնացորդները, որի համար հետընթաց վերահաշվարկումն իրագործելի է:

Եթե ընթացիկ ժամանակաշրջանի սկզբի դրությամբ բոլոր նախորդող ժամանակաշրջաններին վերաբերող սխալի կուտակային հետևանքի որոշումն անհրաժեշտ է, ապա Հիմնադրամը վերահաշվարկում է համադրելի տեղեկատվությունը՝ հնարավոր ամենավաղ ամսաթվից սկսած՝ սխալն առաջընթաց ուղղելու համար:

5. Հաշվապահական կարևոր դատողությունները և գնահատման անորոշության հիմնական աղբյուրները

ՓՄԿ-ների և ՀՄՄ-ին համապատասխան ֆինանսական հաշվետվությունների կազմումը ղեկավարությունից պահանջում է կատարել դատողություններ, գնահատումներ և ենթադրություններ, որոնք նշանակալի ազդեցություն են թողնում ֆինանսական հաշվետվություններում ճանաչված գումարների վրա: Գնահատումները և հիմքում ընկած ենթադրությունները վերանայվում են:

6. Հիմնական միջոցներ

'000 դրամ	Շենքեր	Մեքենա- սարքա- վորումներ	Տրանսպոր- տային միջոցներ	Արտադրա- յունութեսա կան գույք	Այլ հիմնա- կան միջոցներ	Ընդամենը
Համախառն հաշվեկշռային արժեք						
31 դեկտեմբերի 2020թ.	3,462	39,294	10,973	107,409	2,423	163,561
Ավելացում	-	-	72	30,741	-	30,813
Դուրս գրում	-	(702)	-	(502)	-	(1,204)
31 դեկտեմբերի 2021թ.	3,462	38,592	11,045	137,648	2,423	193,170
Ավելացում	-	4,141	126	17,270	42	21,579
Դուրս գրում	-	(370)	-	(850)	-	(1,220)
31 դեկտեմբերի 2022թ.	3,462	42,363	11,171	154,068	2,465	213,529
Կուտակված մաշվածություն						
31 դեկտեմբերի 2020թ.	147	37,062	10,004	73,862	1,694	122,769
Տարեկան մաշվածություն	174	772	324	12,711	98	14,079
Դուրս գրված ակտիվների գծով կուտակված մաշվածություն	-	(702)	-	(449)	-	(1,151)
31 դեկտեմբերի 2021թ.	321	37,132	10,328	86,124	1,792	135,697
Տարեկան մաշվածություն	174	2,290	542	16,589	103	19,698
Դուրս գրված ակտիվների գծով կուտակված մաշվածություն	-	(370)	-	(718)	-	(1,088)
31 դեկտեմբերի 2022թ.	495	39,052	10,870	101,995	1,895	154,307
Հաշվեկշռային արժեք						
31 դեկտեմբերի 2020թ.	3,315	2,232	969	33,547	729	40,792
31 դեկտեմբերի 2021թ.	3,141	1,460	717	51,524	631	57,473
31 դեկտեմբերի 2022թ.	2,967	3,311	301	52,073	570	59,222

Այլ

Դեռևս օգտագործման մեջ գտնվող, սակայն լրիվ մաշվածությունը հաշվարկված հիմնական միջոցների համախառն հաշվեկշռային արժեքը 2022թ-ի տարեվերջին կազմում է 100,892 հազար դրամ (2021թ-ին՝ 95,217 հազար դրամ):

Հիմնական միջոցների ձեռք բերման պայմանագրային պարտավորություններ չկան:

7. Պաշարներ

Այս հոդվածում ներկայացված են դրամաշնորհային ծրագրերի իրականացման նպատակով ձեռք բերված և ծրագրի շահառուներին տրամադրվող ակտիվները:

31.12.2022թ. դրությամբ պաշարների մնացորդում ներառված է վառելիք (31.12.2021թ-ին՝ նաև գրքեր, ժողովածուներ):

2022թ. որպես ծախս ճանաչված պաշարների հաշվեկշռային արժեքը կազմել է 1,116 հազար դրամ (2021թ-ին՝ 397 հազար դրամ):

8. Կանխավճար պաշարների և ծառայությունների համար

	Մնացորդ 31.12.2022թ.	Մնացորդ 31.12.2021թ.
‘000 դրամ		
Ընդամենը, այդ թվում՝	199	1,288
• ապրանքներ, նյութեր ձեռքբերելու համար	30	93
• ծառայություններ ձեռքբերելու համար	169	1,195

9. Առևտրական և այլ դեբիտորական պարտքեր

	Մնացորդ 31.12.2022թ.	Մնացորդ 31.12.2021թ.
‘000 դրամ		
Ընդամենը, այդ թվում՝	146,762	157,918
• արտադրանքի, ապրանքների վաճառքից	1,627	252
• դրամաշնորհի գծով	145,135	157,666

Դրամաշնորհների գծով դեբիտորական պարտքը հաշվետու տարվա վարչական ծախսերի փոխհատուցման ենթակա գումարն է Դրամաշնորհատուի կողմից:

10. Դրամական միջոցներ

	Մնացորդ 31.12.2022թ.				Մնացորդ 31.12.2021թ.			
	Եվրո	ԱՄՆ դոլար	Շվեդ. ֆրանկ	‘000 դրամ	Եվրո	ԱՄՆ դոլար	Շվեդ. ֆրանկ	‘000 դրամ
Ընդամենը, այդ թվում՝	20	6,501	5	2,720	8,753	5,528	5	14,717
• բանկում՝ արժույթով	-	-	-	151	-	-	-	7,316
• բանկում՝ արտարժույթով	20	6,501	5	2,569	8,753	5,528	5	7,401

11. Սեփական կապիտալ

Սեփական կապիտալը (զուտ ակտիվները) ձևավորված է հիմնադրի ներդրումից, կուտակված շահույթից (վնասից)՝ ներառյալ հաշվետու տարվա ֆինանսական արդյունքը:

Հիմնադրի ներդրում

Հիմնադրի ներդրումը կազմում է 500,000 (հինգ հարյուր հազար դրամ) ՀՀ դրամ: Հաշվետու տարում փոփոխություն տեղի չի ունեցել:

Կուտակված շահույթ (կուտակված վնաս)

Կուտակված շահույթը 2022 թվականի սկզբի դրությամբ կազմում է 8,942 հազար դրամ:

2022 թվականին զուտ վնասը կազմել է 7,696 հազար դրամ:

12. Փոխառություններ

<i>‘000 դրամ</i>	<i>Մնացորդ առ 31.12.2022թ.</i>	<i>Մնացորդ առ 31.12.2021թ.</i>
Ընդամենը, այդ թվում՝	35,678	27,534
• երկարաժամկետ	35,318	11,918
<i>կապակցված կողմերից</i>	<i>35,318</i>	<i>11,918</i>
• կարճաժամկետ	360	15,616
<i>կապակցված կողմերից</i>	<i>360</i>	<i>15,616</i>

Ստացված փոխառությունները անտոկոս են, որոնց մարման ժամկետներն են մինչև 2025թ.-ը:

13. Ակտիվներին վերաբերող շնորհներ

<i>‘000 դրամ</i>	<i>Մնացորդ 31.12.2020թ.</i>	<i>Ավելա- ցում</i>	<i>Նվազե- ցում</i>	<i>Մնացորդ 31.12.2021թ.</i>	<i>Ավելա- ցում</i>	<i>Նվազե- ցում</i>	<i>Մնացորդ 31.12.2022թ.</i>
Ընդամենը	51,926	22,269	(14,330)	59,865	19,178	(17,730)	61,313

Այս հոդվածի ավելացումը անհատույց ստացված հիմնական միջոցներն են և դրանց ձեռք բերման նպատակով ստացված դրամական միջոցները, իսկ նվազեցումը՝ ակտիվներին վերաբերող շնորհներից եկամտի ճանաչումն է՝ անհատույց ստացված հիմնական միջոցների գծով հաշվարկված մաշվածության, դուրսգրումների չափով:

14. Վարկեր

<i>‘000 դրամ</i>	<i>Տոկոսա- դրույք</i>	<i>Մարման ժամկետ</i>	<i>Մնացորդ 31.12.2022թ.</i>	<i>Մնացորդ 31.12.2021թ.</i>
Ընդամենը ընթացիկ վարկեր, այդ թվում՝			1,134	1,340
-ԱՄՆ դոլարով վարկային գիծ	18%	քարտի գործողության ժամկետով, բայց ոչ ավելի 240 ամսից	1,126	1,340
-հաշվեգրված տոկոս			8	-

15. Առևտրական և այլ կրեդիտորական պարտքեր

<i>‘000 դրամ</i>	<i>Մնացորդ</i>	<i>Մնացորդ</i>
------------------	----------------	----------------

	31.12.2022թ.	31.12.2021թ.
Ընդամենը, այդ թվում՝	36,923	37,321
• գործառնական վարձակալության գծով	31,463	34,275
կապակցված կողմերից	31,097	32,714
• ծառայությունների ձեռքբերումից	5,397	2,104
• ապրանքների ձեռքբերումից	50	-
• հիմնական միջոցների ձեռքբերումից	-	744
• նյութերի ձեռքբերումից	14	197

16. Հարկեր

‘000 դրամ	Մնացորդ 31.12.2022թ.		Մնացորդ 31.12.2021թ.	
	կանխավճար	պարտա-վորություն	կանխավճար	վորություն
Ընդամենը, այդ թվում՝	11	6,173	-	9,190
• եկամտային հարկ	-	4,914	-	7,275
• ԱԱՀ	-	-	-	322
• ոչ ռեզիդենտի շահութահարկ	-	149	-	99
• սոց. վճար/դրոշմանիշային վճար	11	1,110	-	1,422
• գույքահարկ	-	-	-	72

17. Աշխատավարձի և այլ կարճաժամկետ հատուցումների գծով պարտավորություն

‘000 դրամ	Մնացորդ 31.12.2022թ.	Մնացորդ 31.12.2021թ.
Ընդամենը, այդ թվում՝	61,418	42,680
• աշխատավարձի գծով	12,852	-
• կուտակվող փոխհատուցելի բացակայությունների գծով	48,566	42,680

18. Եկամուտներին վերաբերող շնորհներ

000 դրամ	Մնացորդ 31.12.2020թ.	Ավելացում	Նվազեցում	Մնացորդ 31.12.2021թ.	Ավելացում	Նվազեցում	Մնացորդ 31.12.2022թ.
Ընդամենը	47,847	331,073	(334,372)	44,548	175,702	(215,705)	4,545
, այդ թվում՝							

Այս հոդվածի ավելացումը տարբեր ծրագրերի իրականացման նպատակով անհատույց ստացված դրամական միջոցներն են, իսկ նվազեցումը՝ եկամուտներին վերաբերող շնորհներից եկամտի ճանաչումն է՝ անհատույց ստացված դրամական միջոցների հաշվին կատարված ծախսերի և (կամ) ոչ հատուկ նպատակաուղղված հատկացումների գծով ստացված միջոցների չափով:

19. Վաճառքներ

'000 դրամ	2022թ.			2021թ.		
	Հասույթ	Ինքնարժեք	Շահույթ	Հասույթ	Ինքնարժեք	Շահույթ
Ընդամենը, այդ թվում՝	55,242	(48,500)	6,742	53,688	(47,427)	6,261
• ծառայությունների մատուցումից	55,242	(48,500)	6,742	53,688	(47,427)	6,261

20. Դրամաշնորհներ

Դրամաշնորհներից եկամուտ

'000 դրամ		2022	2021
		382,586	348,702
Ընդամենը, այդ թվում՝			
• ակտիվներին վերաբերող շնորհներից	(ծանոթություն 13)	17,730	14,330
• եկամուտներին վերաբերող շնորհներից	(ծանոթություն 9, 18)	364,856	334,372

Դրամաշնորհների գծով ծախսեր

'000 դրամ		2022	2021
		(331,704)	(296,708)
Ընդամենը, այդ թվում՝			
• աշխատավարձ		(268,644)	(238,264)
• գործուղման և ներկայացուցչական ծախսեր		(3,272)	(2,250)
• կոմունալ և գրասենյակային ծախսեր		(46,892)	(45,155)
• վառելանյութ		(822)	(1,004)
• վարձակալություն		(12,074)	(9,892)

21. Այլ ծախսեր/եկամուտներ

'000 դրամ		2022	2021
		91	372
Այլ եկամուտներ (օգուտներ) ընդամենը, այդ թվում՝			
• վարձակալությունից		60	367
• անհուսալի կրեդիտորական պարտքերի դուրսգրումից		-	5
• արտարժույթի փոխարկումից		16	-
• հարկային պարտավորությունների ճշգրտումից		15	-

'000 դրամ		2022	2021
		(5,090)	(2,498)
Այլ ծախսեր (վնասներ) ընդամենը, այդ թվում՝			
• տույժերից, տուգանքներից		(228)	(487)
• անհուսալի պարտքերի դուրսգրումից և ճշգրտումներից		-	(217)
• հիմնական միջոցների օտարումից (դուրսգրումից)		(132)	(53)
• արտարժույթի փոխարկումից		(3,224)	(1,554)
• անհատույց տրված ակտիվներից		-	(187)
• հարկային պարտավորությունների ճշգրտումից		(1,506)	-

22. Ֆինանսական ծախսեր

<i>‘000 դրամ</i>	2022	2021
Ֆինանսական (տոկոսային) ծախսեր ընդամենը, այդ թվում՝	(215)	(224)
• վարկերի գծով	(215)	(224)

23. Շահութահարկ

<i>‘000 դրամ</i>	2022	2021
• շահույթ (վնասում) ճանաչված շահութահարկի գումար, այդ թվում՝	(1,591)	(1,194)
◦ ընթացիկ հարկի գծով	(1,591)	(1,194)

‘000 դրամ

Հարկի գործող միջին դրույքի և

հարկի կիրառվող դրույքի թվային համադրում

	2022	2021
Հարկի կիրառվող դրույք	18%	18%
Շահույթ (վնաս) մինչև հարկումը	(6,105)	6,628
Չնվազեցվող ծախսեր/չհարկվող եկամուտներ	14,944	5
Հարկվող շահույթը	8,839	6,633
Ընթացիկ հարկ	1,591	1,194
Հարկի գործող միջին դրույքը	-	18%

**24. Շահույթում կամ վնասում ճանաչված ծախսերի բաժանումը (վերլուծումը)՝
ծախսերի ըստ բնույթի դասակարգմամբ**

<i>‘000 դրամ</i>	Ծանոթ.	2022	2021
Հասույթ	19	55,242	53,688
Դրամաշնորհներից եկամուտ	20	382,586	348,702
Այլ եկամուտներ	21	91	372
Օգտագործված հումք և նյութեր		(1,116)	(397)
Աշխատավարձ և կարճ. այլ հատուցումներ		(278,600)	(239,425)
ՀՄ-ների մաշվածություն		(19,698)	(14,079)
Գործառնական այլ ծախսումներ և ծախսեր		(140,395)	(141,957)
Գործառնական շահույթ (վնաս)		(1,890)	6,904
Ֆինանսական ծախսեր	22	(215)	(224)
Փոխարժեքային տարբերությունից օգուտ (վնաս)		(4,000)	(52)
Շահույթ (վնաս) մինչև հարկումը		(6,105)	6,628
Շահութահարկի գծով ծախս	23	(1,591)	(1,194)
Զուտ շահույթ (վնաս)		(7,696)	5,434

25. Ֆինանսական գործիքներ

Բնականոն գործունեության ընթացքում Հիմնադրամը հակված է ֆինանսական տարբեր ռիսկերի՝ շուկայական ռիսկի (ներառյալ՝ արժույթային ռիսկի, տոկոսադրույքային ռիսկի, այլ գնային ռիսկի), իրացվելիության ռիսկի և պարտքային ռիսկի: Հիմնադրամը չի կիրառում ածանցյալ գործիքներ հեջավորելու նշված ռիսկերը:

25.1 Շուկայական ռիսկ

Արժույթային ռիսկ

Արժույթային ռիսկը այն ռիսկն է, երբ ֆինանսական գործիքի իրական արժեքը կամ ապագա դրամական հոսքերը տատանվում են արտարժույթի փոխարժեքների փոփոխությունների հետևանքով: Արժույթային ռիսկին Հիմնադրամի հակվածությունը կապված է ֆունկցիոնալ արժույթից տարբեր արժույթով արտահայտված առևտրային գործարքներին, ճանաչված ակտիվների և պարտավորությունների հետ: Արժույթները, որոնք հիմնականում առաջացնում են նման ռիսկ, հետևյալն են՝ ԱՄՆ դոլար, Եվրո: Հիմնադրամը ունի արտարժույթով գնանշված հետևյալ ֆինանսական գործիքները.

Հոդված	USD		EUR		CHF	
	2022	2021	2022	2021	2022	2021
Ընթացիկ ակտիվներ						
Առևտրական և այլ դեբիտորական պարտքեր	-	15	-	26	-	-
Տրված կանխավճարներ	-	-	-	-	-	-
Դրամական միջոցներ	6,501	5,528	20	8,753	5	5
Ոչ ընթացիկ պարտավորություններ						
Փոխառություններ	(2,500)	(2,500)	-	-	-	-
Ընթացիկ պարտավորություններ						
Վարկեր	(2,859)	(2,791)	-	-	-	-
Զուտ հաշվեկշիռ	1,142	252	20	8,779	5	5

Տոկոսադրույքային ռիսկ

Տոկոսադրույքային ռիսկը այն ռիսկն է, որ ֆինանսական գործիքի իրական արժեքը կամ ապագա դրամական հոսքերը կտատանվեն՝ շուկայական տոկոսադրույքների փոփոխության հետևանքով: Հաշվետու ամսաթվով Հիմնադրամը չունի ստացված կամ տրված փոխառություններ, կամ այլ ֆինանսական ակտիվներ կամ պարտավորություններ, որոնք հակված են տոկոսադրույքային ռիսկի:

Այլ գնային ռիսկ

Գնային ռիսկը այն ռիսկն է, երբ ֆինանսական գործիքի իրական արժեքը կամ ապագա դրամական հոսքերը տատանվում են շուկայական գների փոփոխության արդյունքում (բացի տոկոսադրույքային ռիսկից և արժույթային ռիսկից առաջացողներից): Ղեկավարությունը գնահատում է, որ հաշվետու ամսաթվի դրությամբ ֆինանսական ակտիվների և պարտավորությունների իրական արժեքը էականորեն չի տարբերվում նրանց հաշվեկշռային արժեքից:

25.2 Պարտքային ռիսկ

Պարտքային ռիսկը այն ռիսկն է, երբ գործընկերների կողմից Հիմնադրամի նկատմամբ իրենց պարտավորությունների չկատարելու արդյունքում, Հիմնադրամը կարող է կրել ֆինանսական կորուստներ: Պարտքային ռիսկը առաջանում է բանկային մնացորդներից, առևտրային դեբիտորական պարտքերից: Հիմնադրամի առևտրային դեբիտորական պարտքերը հիմնականում առաջանում են նյութերի պատրաստման և հրապարակման ծառայություններից:

Նախորդ տարիներին դեբիտորական պարտքերի նկատմամբ անհավաքագրելիության պահուստ չի ձևավորվել, այլ կատարվել են անհուսալի դեբիտորական պարտքերի ուղղակի դուրսգրումներ: 2022թ.-ին և 2021թ.-ին դուրսգրումներ չեն եղել:

25.3 Իրացվելիության ռիսկ

Իրացվելիության ռիսկը այն ռիսկն է, երբ Հիմնադրամը դժվարություններ է ունենում այն ֆինանսական պարտավորությունների հետ կապված իր պարտականությունները կատարելիս, որոնք մարվելու են՝ դրամական միջոց կամ այլ ֆինանսական ակտիվներ տրամադրելով:

Իրացվելիության ռիսկի կառավարման նպատակով Հիմնադրամը պատրաստում է դրամական հոսքերի տարեկան նախահաշիվներ: Հիմնադրամի դրամական հոսքերի կանխատեսումների մեջ ներառվում են հիմնադիրներից ստացվելիք շնորհները և այլ հատկացումները:

26. Պայմանականություններ

26.1. Ապահովագրություն

Հիմնադրամը ապահովագրված չէ գործունեության ընդհատման և երրորդ կողմերի նկատմամբ պարտավորությունների հանդեպ, որոնք կարող են առաջանալ գույքին կամ շրջակա միջավայրին վնաս հասցնելուց առաջացած Հիմնադրամի տարածքում տեղի ունեցած պատահարների կամ վերջինիս գործունեության հետևանքով: Քանի դեռ Հիմնադրամը համապատասխան ձևով ապահովագրված չէ, գոյություն ունի ռիսկ, որ որոշակի ակտիվների կորուստը կամ ոչնչացումը կարող է անբարենպաստ նյութական ազդեցություն ունենալ Հիմնադրամի գործունեության և ֆինանսական վիճակի վրա:

26.2. Երաշխիքներ

Չկան Հիմնադրամի կողմից տրամադրված և (կամ) ստացված երաշխիքներ:

27. Կապակցված կողմերի բացահայտում

Կապակցված կողմերի փոխհարաբերությունների բնույթը

Անվանումը	Բնույթը
Վարդան Օսկանյան	Վերահսկող/հիմնադիր
Հարաչ Կասպար	Խորհրդի անդամ
Աբրահամ Պողիկեան	Տնօրեն
Սալվի-Հարութիւնյան Ղազարյան	Խորհրդի անդամ

Կապակցված կողմերի հետ գործարքներ

'000 դրամ	Սրացված փոխառություններ	Այլ կրեդիտորական պարտքեր (վարձակալություն)
Ծանոթ.	12	17
Մնացորդ 31.12.2021թ.	27,534	32,713
Ավելացում	21,000	14,232
Նվազեցում	(13,216)	(15,848)
Մնացորդ 31.12.2022թ.	35,318	31,097

Առանցքային կառավարչական անձնակազմին հատուցումներ

Առանցքային կառավարչական անձնակազմին կարճաժամկետ հատուցումները (աշխատավարձ) 2022թ. կազմել է 34,151 հազար դրամ և 2021թ.՝ 33,862 հազար դրամ: Առանցքային կառավարչական անձնակազմին այլ հատուցումներ չեն եղել:

28. Հաշվետու ժամանակաշրջանից հետո տեղի ունեցող դեպքեր

Ճշգրտող դեպքեր կամ էական չճշգրտող դեպքեր տեղի չեն ունեցել հաշվետու ամսաթվից (31.12.2022թ) հետո մինչև վավերացման ամսաթիվը (23.06.2023թ.) ընկած ժամակահատվածում:

29. Ֆինանսական հաշվետվությունների վավերացում

Ֆինանսական հաշվետվությունները ստորագրվել են հրապարակման համար 2023թ. հունիսի 23-ին՝ տնօրեն Ա.Պողիկեանի և գլխավոր հաշվապահ «Բի-Դի-Օ Ըբաունթինգ, Թաքս ընդ Լիգըլ» ՓԲԸ-ի հաշվապահական ծառայությունների տնօրեն Ն. Նուրոյանի կողմից:

Տնօրեն

Գլխավոր հաշվապահ

«Բի-Դի-Օ Ըբաունթինգ, Թաքս ընդ Լիգըլ» ՓԲԸ-ի
հաշվապահական ծառայությունների տնօրեն



Ա.Պողիկեան

Ն. Նուրոյան